

閨
風
集

一



吳興劉氏
嘉業堂刊

舒閭風文集序

余自少學文詒游從於海內欲求異稟靈識如漢賈誼
終軍唐李賀本朝王令邢居實輩杳不可復得輒過疑
天地閒春淑秋澄之氣徒歲鍾於奇葩怪植殊珍大貝
而人獨受之者少邪不然則余之耳目狹不足以得也
癸卯秋八月乃始得舒生首示余兩編余讀蓀墅稟如
登岱華檜柏松椿樅杉梗樟之幹掀舞而偃踞槎牙而
陰森如涉大海龍蜃蛟螭鯢鯨黿鼉號風嚶雨叱霆振
電朝莫變怪之百出如觀武庫戈甲犀利光芒閃爍毛
髮森聳而膽爲寒如步寒皋眺遠渚煙深月澹雁嘈噪
而鶴孤唳讀史述如神禹隨山刊木百川順逆之勢畢

露如季札觀周樂聘列國逆料其理亂興亡皆暗合如馮婦徒手搏虎如子路片言折獄蓋其通達近誼辯博近軍贍鬱近觀奇詭近賀勁挺近令清峭近居實余驚喜恨得之晚進之曰誼也隘軍也詔觀也膚賀也浮令也激居實也儉生豈此之儷乎哉余聞之也論太高者奇勝正其於行流之狂辭太工者華掩質其於學失之贅惟趨平實則一祖孔氏莊列其誕者也惟務正大則一宗孟氏屈馬其靡者也生旣蚤獵羣書氣豪骨老不肯躡舉子後方且磨礪浸灌於性命道德之說駸駸焉異稟靈識孰如生者生其此之慎乎哉今生之年甫二十有六異稟益宜養靈識益宜充又二十六年歸然以

行學立閭風上追前哲而啟從來者必生也臨海吳子

良序

舟瑤案是序見赤城後集四庫輯本閭風集未載今據補癸卯爲漳祐三年後三十六年而宋亡先

生年六十二矣至元世祖至元二十九年壬辰先生猶撰寧海縣學記年已七十有五其卒雖未詳何年然固

以老壽終者

重刻閩風集敘

光緒甲午以前予從四庫全書中鈔出鄉先正舒閩風集十二卷時海宇無事從容文學意以鄉賢遺著錄之以資矜式未及究其身爲遺臣艱難困苦之若是也自宣統三年辛亥八月武昌變作海內騷然予官京朝義不能去風鶴迭警一鐙熒然是年臘月下詔遜位繼以兵變自壬子以迄甲寅三年之間避地天津上海青島嗣返故里復寓上海或以兵災或以匪警或以荒年無所得食而去流離瑣尾困苦萬狀與閩風遭宋末元初之變入鄞入剡寄居棠谿逃匿荒山窮途凍餓無一不同而其集中書事卽事避地貸食罪言雜言詠物託興

贈友感舊諸作拳拳故國之思此離慘惻之狀又無一
不爲予寫照者嗚呼此非予親歷其境何能知其心之
痛耶烏程劉翰怡京卿侍其本生父澂如學士避地上
海亦身遭此變者其孤懷耿耿搜求古籍甚備校刻嘉
業堂叢書取閩風集刻入之其不第爲表章鄉先哲遺
著可知也予又念寧海宋末多遺民閩風與胡三省身
之皆登寶祐四年文丞相天祥之榜志行高潔無愧於
丞相身之通鑑注失而復完今行於世其竹素園稿百
卷則已無一字存矣閩風著述百數十卷僅存十一翰
怡爲梓行於六百年後大亂之餘其猶不幸之幸與予
生閩風同縣會遭斯變先後同符校讀一過率述身世

之大略如此所謂千古傷心人大都共此懷抱也至四庫是集輯自永樂大典重錄本誤字錯見翰怡又別得一鈔本校訂多處王玫伯觀察又寄所錄四庫本所無詩文與吳子良閩風集敘諸篇子並益以光緒寧海縣志所載閩風行狀別爲補遺附錄附諸卷末云乙卯春正月寧海章棣敘於上海寓廬

閬風集十二卷提要 永樂大典本

宋舒岳祥撰岳祥字舜侯寧海人寶祐四年進士官奉化尉終承直郎宋亡不仕教授鄉里以終兩浙名賢錄載所著有史述漢砭補史家錄蓀墅稿避地稿篆畦稿蝶軒稿梧竹里稿三史纂言談藪藪續藪殘藪傳藪肄昔遊錄深衣圖說凡二百二十卷今多散佚焦竑國史經籍志載岳祥閬風集二十卷世亦無傳檢永樂大典中所載岳祥詩文間題篆畦蝶軒蓀墅諸集名而題爲閬風集者居十之八九似當時諸稿本分帙編次而閬風集乃其總名今原書卷第已爲永樂大典所亂無可辨別謹依類袁輯釐爲詩九

卷雜文三卷仍其總名以閩風集名之又集中有百
一老詩序蓋卽所賦老漁老獵之類似原本亦別爲
一集然所闕已多不成卷帙故亦不復分析焉岳祥
少時以文見吳子良子良卽稱其異秉靈識如漢終
賈晚逢鼎革遯迹終身乃益覃思於著作其詩文類
皆稱臆而談不事雕績集中有詩訣一首云欲自柳
州參靖節將邀東野適盧仝又云平原駿馬開黃霧
下水輕舟遇快風其宗旨所在可以想見矣

臣等謹案閬風集宋舒岳祥著岳祥字舜侯寧海人
寶祐四年進士官奉化尉終承直郎宋亡不仕學者
稱閬風先生其撰著有篆畦稿蝶軒稿梧竹里稿蓀
墅稿並見宋詩紀事而無閬風集之名今案各目雖
亦散見大典中而稱閬風集在十之八九意當時陸
續成書本單行後乃彙爲一集統稱閬風今亦不另
爲標目又集中有百一老詩序亦岳祥當日一種文
字而散佚尤多七絕中若老漁老獵之類寥寥數篇
不能自成一帙然如序中所稱百一老首天繼以四
時則老天老春老夏之類尤俚而近於戲雖有之不
足存矣謹釐其古今體詩爲九卷雜文爲三卷其文

明白坦易詩尤流利可誦集中詩訣一首有句云欲
自柳州參靖節將邀東野適盧仝又云平原駿馬開
黃霧下水輕舟遇快風可以想其宗旨矣然其乃心
宋室不事二姓於故國故君之思蓋三致意云

閬風集目錄

永樂大典本

卷一

四言詩

五言古詩

卷二

七言古詩

卷三

五言律詩

卷四

五言律詩

卷五

五言律詩

五言長律

卷六

七言律詩

卷七

七言律詩

七言長律

卷八

五言二韵

六言

七言絕句

卷九

七言絕句

卷十

序八首

卷十一

記七首

卷十二

跋六首

銘一首

墓志銘二首

祭文三首

閬風集卷一

嘉業堂叢書

宋舒岳祥景薛撰

四言詩

雨後月明起坐戲成

雨後明月如醉而醒不見其形但見其影我夢初回非
曙非暝道人無言起舞弄景水鳥無聲一鶴自警清風
南來露墜炯炯我病不飲酌此清冷超然頓悟九萬俄
頃

伯夷

士如圭璋自然廉隅一日無恥不可以居上帝降衷毀
敗是虞遷史作傳爰首餓夫

管鮑

爲管則易爲鮑則難相馬失瘦相士失寒管貧鮑富坦然相安於利不疚於義斯完

魯二儒

叔孫事秦以諛蔽愚至於歸漢薦進狡夫滅我王道甚於焚書是以二儒確乎其居

停雲詩

并序

劉正仲和淵明停雲以貺予此詩予疇昔嘗和之以貽景韓泳道者也二子不可復作矣撫卷悵然復和之以答正仲四海衣冠遭時艱虞至於暴骨原草者多矣予與正仲偷生